

四庫全書

史部

欽定四庫全書

史部
禮部志稿卷二十

詳校官編修_臣黃壽齡

編修_臣程嘉謨覆勘

總校官知縣_臣楊懋珩

校對官中書_臣張曾效

謄錄監生_臣趙廷璋

欽定四庫全書

禮部志稿卷二十

明 俞汝楫 編

儀制司職掌

婚禮

天子納后先遣官祭告天地宗廟天子臨軒命使行
六禮東宮納妃則先告廟其詳在大明集禮正統中
英宗納后成化末年孝宗在東宮納妃皆遵用舊儀

而稍有所損益今備載其親王公主婚禮亦附列焉

皇帝納后儀

正統七年定

萬曆六年新定儀注有損益者附注本文之下

納采問名

前期擇日遣官告天地宗廟至期前一日所司設御座

于奉先殿鴻臚寺設制案節案于御座前

新儀改節案于制案之前

下放此

內官監禮部陳禮物于文樓下教坊司設中和樂

于殿內至期早錦衣衛設鹵簿于丹陛丹墀禮部陳禮

物于丹陛上及文樓下內官監設采輿于奉天門外教坊司設大樂於奉天門內鼓三嚴鐘止鴻臚寺奏請陞殿上具冕服導駕奉引如常儀陞座文武官朝服叩頭訖左右侍班執事引正副使朝服就拜位行四拜禮傳制官奏傳制訖由東門出執事舉制案節案于中門出置丹墀中道禮物在丹陛上者隨之傳制官宣制曰茲選某官某女為皇后命卿等持節行納采問名禮正副使又行四拜禮鴻臚寺奏禮畢上興

新儀改禮畢上興在禮物隨出之後

引禮引制案節案用傘蓋遮護由奉天門中門出執事
引文樓下禮物隨出至奉天門外正副使取節及制書
置采輿中儀仗大樂前導從中門中道行出大明門外
正副使易吉服乘馬行詣皇后第行禮皇后第前一日
設正副使幕次于大門外左南向設香案于正堂中設
制案節案于香案南別設案于香案之北其日正副使
至大門外儀仗大樂分列置采輿于正中設制案節案
于采輿北引禮引正副使入幕次執事官陳禮物于正

堂正副使出幕次取制書置案上禮官一員先入正堂
立于東主婚者朝服出見立于西禮官曰奉制建后遣
使行納采問名禮引主婚者出迎引禮引正副使捧制
書及節先行主婚者隨行至正堂置制書及節于案正
使立于案左副使立于案右東西相向引禮引主婚者
就拜位行四拜禮詣案前跪正使取納采制宣訖授主
婚者主婚者受之授執事者執事者跪受置于北案上
稍左副使取問名制宣訖授主婚者主婚者受之授執

事者執事者跪受置于北案上稍右主婚者俯伏興平
身執事者舉答問名表案于主婚者後少西取表授主
婚者主婚者受表跪授正使正使受置于案主婚者俯
伏興平身退就拜位又行四拜禮畢正副使出置表采
輿中訖

新儀改正副使持節隨表
案後出各置采輿中訖

主婚者出大門外至

正副使前致詞云請禮從者正副使復入酒饌畢主婚
者捧幣帛以勞正副使正副使出主婚者送至大門外
正副使進發采輿于大門等門左門入至奉天門外以

表節授司禮監官捧入復命 制詞朕承天序欽紹鴻

圖經國之道正家為本夫婦之倫乾坤之義實以相宗

祀之敬協奉養之誠所資維重祇遵聖祖母太皇太后

聖母皇太后命遣使持節以禮采擇

右納采

朕惟夫婦之

道人倫之本正位乎內必資名家特遣使持節以禮問

名尚佇來聞

右問名

附答辭臣某伏承嘉命正使某官

某等重宣制詔問臣名族臣女臣夫婦所生先臣某官

某之玄孫先臣某官某之曾孫先臣某官某之孫先臣

某官某之外孫臣女今年若干謹具奏聞

納采問名禮物

玄纁紵絲四段

玄色二段纁色二段

金一百兩 花

銀八百兩

珍珠五樣

紵絲八十疋

大紅線羅四

疋

白生土紗四疋

各色熟絹八十疋

綿臙脂一

百箇蠟臙脂二兩

用金合兩箇

珠兒粉十兩 開合

紵絲六疋

木紅絹六疋

珠翠花一朵

羊八隻

猪四口

酒一百六十瓶

鵝四十隻

末茶二十袋

圓餅一百六十箇 白熟米四石 白麵八十袋

棗子四合 栗子四合 木彈四合

納吉納徵告期

前一日所司設制案節案禮物中和樂至期早設鹵簿

采輿大樂

新儀改設中和樂大樂俱在前一日

傳制遣使並同前納采問

名儀但納徵用玄纁束帛六馬等物制詞云茲聘某官

某女為皇后命卿等持節行納吉納徵告期禮皇后第

前一日設正副使幕次香案制案節案別設案並同前

受納采問名儀惟更設玉帛案其日正副使至皇后第
于采輿中取節及制書玉帛置案上少候執事先設皇
后冠服諸禮物于正堂六馬陳于堂下禮官一員入正
堂主婚者朝服出見禮官曰奉制聘皇后

新儀無
皇字

遣使

行納吉納徵告期禮主婚者出迎執事舉玉帛案前行

正使于案取納吉納徵制書捧之副使取告期制書及

節捧之次行主婚者後隨

新儀改正使捧節副使
捧納吉納徵告期制書

至正

堂正副使各以制書及節置案上退立案之左右相向

置玉帛案于節案制書案之南引禮引主婚者就拜位
行四拜禮引詣案前跪正使取納吉納徵制書以次宣
訖授主婚者主婚者受制以授執事者執事者跪受置
于北案正使捧圭授主婚者主婚者受圭以授執事者
執事者跪受置于北案副使捧玄纁授主婚者主婚者
受以授執事者執事者跪受置于北案副使取告期制
書宣訖授主婚者主婚者受制以授執事者執事者跪
受置于北案主婚者俯伏興平身復位行四拜禮畢正

副使持節出以節置采輿中主婚者出門外請禮從者
及捧幣勞正副使俱同前正副使還至奉天門外以節
授司禮監官捧入復命 制詞大婚之卜龜筮卿士協
從敬循禮典遣使持節告吉

右納吉

卿女有貞靜之德稱

母儀之選宜共承天地宗廟特遣使持節以禮納徵

右納

徵歲今月良吉日某甲子大婚維宜特遣使持節以禮

告期

右告期

納吉納徵告期禮物

玄纁紵絲四段

玄色二纁色二

玉穀圭一枝

金龍

珠翠燕居冠一頂

金簪全

燕居服素夾四件紵絲一

件線羅二件銀絲紗一件大帶各色線羅四條 玉革

帶一條

金事件全

玉花采結綬一副

金事件全

玉

佩玕璫一副

金鈎金事件全

玉雲龍霞帔墜頭一個

金釵花釧一雙金素釧一雙

金連珠鐲一雙 首

飾一副

天順八年加一副

珠面花二副 翠面花二

副 四珠葫蘆環一雙八珠環一雙排環一雙 玉禁

步一副 青素紵絲滴真珠描金雲龍鳥一雙 青羅襪

全 珠翠花四朵 翠花四朵 珠兒粉十兩 蠟膳脂

二兩 金合二個 金鑲合香串一副 金八百兩 花

銀二千六百兩 寶鈔二千錠 白綿五十斤 五樣

珍珠二十八兩 紵絲八十疋 銀絲紗八十疋 素

線羅八十疋 大紅素線羅八疋 熟綾八十疋 狀

花絨綿四十段 白生濶土紗八疋 各色熟絹二百

八十疋 各色衣服七十件 紵絲二十件 紗十八件 羅

二十件綾十二件

各色被六床

錦二床紵絲二床綾

二床

白絹卧單四條

裁剝紵絲紗羅錦二束 朱

紅漆戲金皮箱三十對

翟服匣一座

朱紅漆柳箱

二對

擎執宮人用衣帽等件九十六件

紅綠平羅

銷金衣二十四件硬翠竹葉烏紗帽二十四頂阜麕皮

靴二十四雙釵花銀束帶二十四條 馬十二匹 大

紅熟絹銷金蓋馬袱十二條乘馬四匹回禮馬八匹金

鞍四副 開合紵絲八疋 木紅熟絹八疋 珠翠花

一朶

抹金銀脚全

羊五十二隻

酒三百四十瓶

猪三十二口

鶩六十四隻

末茶六十四袋

圓餅

一千二百個

白麵二百四十袋

膠棗四合

栗子

二合

榛子二合

木彈二合

胡桃二合

響糖四

合 纏椀四合

蓮肉纏四合

杏仁纏四合

硝砂

纏四合

發冊奉迎

前一日所司設樂儀仗如常儀至期早鴻臚寺設制書

案節案冊案寶案于御座前禮部陳鴈及禮物于丹陛上內官監設采輿于奉天門外陳設皇后鹵簿車輅禮物于采輿南其傳制遣使並同前納采問名儀但改制詞云茲冊某官某女為皇后命卿等持節奉冊寶行奉迎禮其節及制書冊寶用傘蓋遮護從中門出執事舉鴈及禮物隨行正副使亦隨行詣皇后第行禮其奉迎用旗手衛鼓吹前導設而不作教坊司作樂如常是日內官設皇后幕次于內殿南北向設上與皇后各更服

處于內殿皇后第前一日設正副使幕次于大門外南

向設香案制書案節案冊寶案于正門中又設香案制

書案節案于正堂別設案于正堂北

新儀改制案節案別設案俱設于正

堂北其日正副使至于采輿中取節及制書冊寶至案上

入次少候女官奉皇后首飾褱服入中堂左

新儀改入中堂右

內官陳儀仗車輅等物于大門內禮官一員先入主婚者朝服出見禮官曰奉制冊后遣使持節奉冊寶行奉迎禮主婚者出迎執事者舉冊寶案前行正副使捧制

書及節次行執事者執鴈及禮物隨入主婚者從行至正堂正副使置制節于案執事者置冊寶案于制案節案之南冊東寶西正使立于案左副使立于案右相向引禮引主婚者就拜位行四拜禮退立于西南女官以首飾褙服進皇后內官進皇后儀仗于中堂前設女樂于堂下作止如常儀司禮監官進前受節冊寶正副使于案取節冊寶授之仍前立候內贊二人引捧節冊寶監官入中堂前各置于案皇后具服出閣女官及宮人

擁護詣香案前向闕立內贊贊行四拜禮贊宣冊贊跪
皇后跪宣冊官取冊立宣于皇后之左訖贊受冊贊搢
圭宣冊官以冊進授皇后皇后受冊以授女官女官跪
受立于西贊宣寶宣寶官取寶立宣于皇后之左訖贊
受寶宣寶官以寶進授皇后皇后受寶以授女官女官
跪受立于西贊出圭贊興又贊四拜禮畢皇后入閣持
節監官由正門出授正副使報受冊寶禮畢正使受節
置案上引禮引主婚者詣案前跪正使取奉迎制宣訖

授主婚者主婚者授執事者執事者跪受置于北案執事者以鴈及禮物進副使以次受之授主婚者主婚者授執事者執事者皆跪受置于案又贊四拜禮畢正副使持節出大門外置節采輿中主婚者請禮從者及以幣勞正副使同前司禮監官嚴整鹵簿復以奉迎禮入達于女官女官奏請皇后冠服出閤女樂前導宮人擎執擁護自東階下立香案前內執事贊四拜畢請皇后陞堂南向立主婚者進立于皇后之東西向曰戒之敬

之夙夜無違命畢退立于東階西向母進立于皇后之西東向施衿結帨曰勉之敬之夙夜無違命畢退立于西階東向執事奏請乘輿皇后降階陞輿侍從如儀內執事導從出門奉迎儀仗大樂前行采輿次行正副使隨行司禮監官擁導皇后鹵簿冊寶采輿行宮人乘轎內官內使護衛從大明門中門入文武百官具朝服于承天門外東西向立班迎候輿入承天門退皇后輿輅至午門外鳴鐘鼓鹵簿止正副使以節授司禮監官先入

復命捧冊寶官捧冊寶金扇儀仗女樂前導宮人擁護
皇后輿由奉天門進內庭幕次捧冊寶監官以冊寶授
女官皇后出輿由西階進上由東階降迎于庭揖皇后
入內殿內侍請上詣更服處具袞冕女官請皇后詣更
服處更禮服上同皇后詣奉先殿行禮捧冊寶女官以
冊寶置皇后宮中內官以皇后輿輅鹵簿入午門過御
橋由中右門進皇后宮中

發冊奉迎禮物

串五大紅紵絲二疋

天順八年加串五名色紵絲三十

二疋各色熟絹三十二疋花銀四百兩

金冊一副

金寶一副

冠一頂

首飾一副

翟服一副

大衫

三件紵絲一件羅一件紗一件 鞠衣繡四件紵絲一

件羅二件紗一件

霞帔各色羅繡三副

烏一雙

襪

珍珠全

駕一副

鴈一隻

天順八年加一隻

羊十

二隻

天順八年加十二隻

酒六十瓶

天順八年加六

十瓶

膠棗二合

天順八年加二合

栗子二合

天順

八年加三合

木彈二合

天順八年加二合

胡桃二

合

天順八年加二合

廟見

是日早內官于奉先殿陳設牲醴祝帛畢候上同皇后至贊引引就拜位上在東皇后在西行禮如常儀祭畢還宮

合卺

是日內官先于正宮殿內設上座于東皇后座于西相

向置酒案于正中稍南置四金爵兩卮于案上候謁奉
先殿還內侍女官請上與皇后各就更服處上服皮弁
服陞內殿皇后更衣從陞贊請陞座執事者舉饌案于
上與皇后前女官司尊者取金爵酌酒以進飲訖女官
進饌舉饌訖女官再取金爵酌酒以進飲訖進饌舉饌
畢女官以卮盞酌酒合和以進飲訖又進饌舉饌畢內
侍奏禮畢上同皇后興內侍女官執事奏請上與皇后
就更服處易常服皇帝從者餽皇后之饌皇后從者餽

皇帝之饌

朝見兩宮

第二日早上冕服皇后禮服詣某宮俟某宮禮服陞座
贊引引上與皇后詣某宮前宮人以股脩盤立于皇后
左贊禮贊上與皇后皆四拜執事二人舉案至某宮前
正中宮人以股脩盤授皇后皇后捧置于案上執事女
官舉案皇后隨案進至某宮前皇后復位贊禮贊上與
皇后皆四拜執事者舉股脩案徹于西贊禮畢皇后還

宮

謝恩

第三日早上冕服皇后禮服同詣某宮前行八拜禮訖
皇后詣內殿俟上服皮弁服陞座贊引女官引皇后禮
服詣上前就拜位行八拜禮畢皇后還宮陞座引禮引
在內親屬贊八拜禮次引六尚等女官贊八拜禮次引
各監局內官內使行八拜禮畢降座入閣是日上受皇
后謝恩禮畢出具服御奉先殿頒詔布告中外行禮如

常儀

受賀

第四日文武百官具朝服上表慶賀陳設如常儀上具
袞冕御華蓋殿親王行八拜禮慶賀次執事官行五拜

三叩頭禮畢鴻臚寺奏請陞殿

新儀改親王行禮畢鴻臚寺官候王退奏執事

官行禮畢奏請陞殿

導駕官前導百官進表行禮如常儀其親王

行禮畢詣內殿某宮前皇后前俱行慶賀八拜禮出是
日某宮具禮服陞內殿受內外命婦慶賀禮外命婦進

箋如常儀

鹽饋

第五日清晨尚膳監具膳羞皇后具禮服詣某宮俟膳至贊引引皇后詣前贊四拜尚食以膳授皇后皇后捧膳進于案復位贊四拜贊引引皇后退立于西南俟膳畢引出還宮

選用宮人

洪武二十九年定 所取女子除富豪不用其餘不問

貧難之家女子年十五二十歲者送進灑掃宮院曬晾
幔褥漿糲衣服造辦飯食許各家父母親送賞銀五十
錠其在京軍民之家有女子及無夫婦人能寫能算者
不論貧富醜陋許皆進用賞與前同不許將體氣惡疾
及已曾進到者一概進來

三十五年以補六尚官令禮部出榜不分軍民之家但
有識字婦人年三十至四十願來者有司起送若女子
識字雖容貌醜陋年十七八已上願來者聽一體應付

脚力赴京選用俱本父母親自送來給與賞賜照依所授品級給俸以厚其家仍免本家雜泛差役其婦人入宮後年至五十願還鄉者聽女子入宮十數年後有識字人替用願回鄉及適人者聽從其便女官所管皆宮中事務不過紀錄名數物件而已別無艱難此等識字婦人若鄉里耆老鄰人舉保出來有賞

嘉靖十三年題准女子選入內庭例應收充女戶者舍餘于原衛民籍于錦衣衛帶管食糧各止終身不許朦

朧影射差役

皇太子納妃儀

成化二十三年定

納采問名

前期擇日遣官告太廟牲用犢各一用祝文至期前一日所司設御座于奉先殿鴻臚寺設制案節案于御座前內官監禮部陳禮物于文樓下教坊司設中和樂于殿內至日清晨錦衣衛設鹵簿于丹陛丹墀禮部設采

興教坊司設大樂俱于奉天門外上具袞冕御華蓋殿
鴻臚寺奏執事官行叩頭禮畢請陞殿導駕奉引如常
儀上御奉天殿文武官朝服叩頭訖執事官引正副使
朝服就拜位行四拜禮傳制官奏傳制訖由左門出執
事官舉制案節案亦由左門出傘蓋遮護置丹墀中道
傳制官宣制曰茲擇某官某女為皇太子妃命卿等持
節行納采問名禮正副使又行四拜禮鴻臚寺奏禮畢
上興引禮引制案節案由奉天門左門出執事官引文

樓下禮物隨出至奉天門外正副使取節制書置采輿
中儀仗大樂前導從二門行出東長安門外正副使易
吉服乘馬隨行詣皇太子妃家行禮皇太子妃家前一
日設正副使幕次于大門外道左南向設香案于正堂
中設制案節案于香案南別設案于香案之北其日正
副使至大門外儀仗大樂分列置采輿于正中設制案
節案于采輿引禮引正副使入幕次執事官陳禮物于
正堂正副使至幕次取節制書置案上禮官一員先入

正堂立于東主婚者朝服出見立于西禮官曰奉制聘
皇太子妃遣使行納采問名禮引禮引主婚者出迎引
禮引正副使捧節及制書先行主婚者隨行至正堂置
節及制書于案正使立于案左副使立于案右引禮引
主婚者就拜位行四拜禮詣案前跪正使取納采制宣
訖授主婚者主婚者受之授執事者置于北案上稍左
副使取問名制宣訖授主婚者主婚者受之授執事者
置于北案上稍右主婚者俯伏興平身執事者舉答問

名表案于主婚者後少西取表授主婚者主婚者受表
跪授正使正使置表于案主婚者俯伏興平身退就拜
位又行四拜禮畢正副使出置表采輿中訖主婚者至
正副使前致詞云請禮從者酒饌畢主婚者奉幣以勞
正副使正副使出主婚者送至大門外正副使進發采
輿于東長安門入至奉天門外以節表授司禮監官奏
聞復命

納采問名禮物

玄纁紵絲二疋

玄一疋纁一疋用紅綠羅銷金束子六

個

金六十兩

珍珠十兩

用紅綠紗銷金袋二個

花銀六百兩

各色紵絲四十疋

用紅綠羅銷金束子

一百二十個

裏絹四十疋

大紅羅四疋

用紅綠羅

銷金束子十二個

生紗四疋

用紅綠羅銷金束子十二

個

綿臙脂一百個金花臙脂二兩

用抹金合一對計

六兩重

鉛粉二十袋計一十兩重

用紅綠羅銷金袋

兩個

北羊六牽

用紅綠羅銷金蓋袂六條并牽羊紅

麻索六條

豬四口

鷺二十八隻

酒一百二十瓶

用紅綠羅銷金小蓋襪一百二十條每條墜角銅錢四

個

圓餅一百二十個

用紅花紙貼面

末茶一十二

袋

用紅綠羅銷金袋一十二個

棗二合 栗二合

胡桃二合

木彈二合

白熟米四石

作八合每合上

用

染紅米二升

麵六十袋

用紅紙花貼面

媒人

紵絲二疋

用紅綠羅銷金束子六個

裏絹二疋開合

紵絲二疋

用紅綠羅銷金束子六個

裏絹二疋

珠翠花一朶

以上禮物媒人并內官一員送至妃家媒人就引妃家回奉禮物從東華門入如命官則皇帝前復命外命婦則皇后前復命

納徵告期冊封

先期一日遣官告太廟所司設制案節案冊案妃冠服禮物中和樂至日清晨設鹵簿采輿大樂傳制遣使禮儀並同前納采問名儀但設妃儀仗車輅于左順門外候禮物過隨行又改制詞云茲擇某官某女為皇太子

妃命卿等持節行納徵告期冊封禮皇太子妃家前一
日設正副使幕次香案制案節案冊案玉帛案並同前
受納采問名儀但納徵用玄纁束帛穀圭八馬等物其
日正副使至皇太子妃家于采輿中取節制書冊玉帛
置于案少候執事先設皇太子妃冠服諸禮物于正堂
八馬陳于堂下禮官一員先入正堂主婚者朝服出見
禮官曰奉制封皇太子妃遣使行納徵告期冊封禮主
婚者出迎執事舉玉帛冊案前行正使于案取節及納

徵制書副使取告期制書捧之以次行主婚者後隨至
正堂正副使各以節制書置于案退立于案之左右東
西向置玉帛冊案于制書案之南引禮引主婚者就拜
位行四拜禮引詣案前跪正使取納徵制書宣訖授主
婚者主婚者受之以授執事者執事者跪受置于北案
正使捧圭授主婚者主婚者受之以授執事者執事者
跪受置于北案副使捧纁授主婚者主婚者受之以授
執事者置于北案畢副使取告期制書宣訖授主婚者

主婚者受之以授執事者置于北案主婚者俯伏興平身復位行四拜禮畢正副使入次少候女官捧皇太子妃首飾冠服入中堂左內官陳儀仗車輅等物于大門之內女官以首飾冠服進皇太子妃內官進皇太子妃儀仗于中堂前司禮監官進前受節冊正副使于案取節冊授之仍前立候內官二人引捧節冊監官入中堂前各置于案皇太子妃具服出閣女官及宮人擁護詣香案前向闕立贊禮女官贊行四拜禮贊宣冊贊跪皇

太子妃跪宣冊女官取冊立宣于妃左訖贊受冊贊播
圭宣冊官以冊進授皇太子妃妃受冊以授女官女官
跪受于右立于西贊出圭興四拜禮畢皇太子妃入閣
持節監官由正門出授正副使報受冊禮畢正副使出
大門外置節采輿中主婚者請禮從者及以幣勞正副
使正副使還至奉天門外以節授司禮監官捧入復命
納徵禮物

玉穀圭一枝

裏玉圭錦袋二件盛玉圭創金雲鳳朱紅

木匣一個內錦褥一片

玄纁紵絲四疋 玄二疋纁二

疋用紅綠羅銷金求子一十二個

珠翠燕居冠一頂

冠蓋全

冠上大珠博鬢結子等項全金鳳二個金寶鈿

花二十七個金簪一對冠上珊瑚鳳冠背一副 大衫

素夾三件大紅紵絲一件大紅線羅一件大紅銀絲紗

一件 燕居服四件大紅紵絲一件大紅線羅一件青

線羅一件大紅素紗一件 大帶四條 內大紅線羅三

條青線羅一條

玉革帶一條玉事件九件金事件三

件 玉花采結綬一副紅綠線羅采結大紅線羅繫帶

采結上玉綬花一個綬帶上玉墜珠六顆綬帶上金垂

頭花板四片金葉兒六個 白玉鈎碾鳳文佩一副玉

事件二十件 串珠全 金鈎二個 紅羅銷金夾袂大小

五件 包燕居服及玉韋帶用 珠翠面花四副珠翠花

四枝 金脚八錢重 金脚四珠環一雙 金脚五錢重 梅

花環一雙 金脚五錢重 金釵花釧一雙 二十兩重金

光素釧一雙 二十兩重 金龍頭連珠燭一雙 一十四

兩重

金八寶燭一雙

八兩重外寶石一十四塊

金二

百兩

九成色一百兩八成色一百兩

花銀一千兩

珍珠十六兩

用紅綠紗銷金袋二個

寶鈔四千貫

乘馬八匹

紅籠頭錦韉八副

各色紵絲六十疋

用紅

綠羅銷金束子一百八十個

各色綾六十疋

用紅綠

羅銷金束子一百八十個

各色紗六十疋

用紅綠羅

銷金束子一百八十個

各色羅六十疋

用紅綠羅銷

金束子一百八十個

各色錦四十段

用紅綠羅銷金

東子一百二十個

大紅羅六疋

用紅綠羅銷金東子

一十八個

生紗六疋

用紅綠羅銷金東子一十八個

各色絹三百疋

白綿三十八斤

各色衣服五十

三件紵絲十八件羅十七件紗八件綾十件 各色被

六牀綿二牀紵絲二牀綾二牀 白絹卧單四條 朱

紅戲金皮箱十五對朱紅漆柳箱二對 臘脂二合二

兩重 金合一對一十兩重

鉛粉二十袋一十兩重

用

紅綠羅銷金袋二個

北羊四十牽

用紅綠羅銷金蓋

袱四十個牽羊紅麻絕四十條

豬二十口 鷺四十

隻 酒二百四十瓶

用紅綠羅銷金蓋袱二百四十條

每條墜角折二銅錢四個

末茶四十袋

用紅綠羅銷

金袋四十個

響糖二合

芝麻纏糖二盒茶纏糖二

盒砂仁纏糖二盒胡桃纏糖二盒木彈二盒蜜煎

二盒棗子二盒乾葡萄二盒胡桃二盒圓餅

六百個

用紅紙花貼面

白麵一百二十袋

用紅紙花

貼面

紅紗罩盞大小一十二個開合紵絲八疋 用

紅綠羅銷金束子二十四個

紅絹八疋 珠翠花一

朵 媒人紵絲一十二疋

用紅綠羅銷金束子三十六

個

發冊禮物

金冊一副

兩葉計足色金一百兩重每葉高一尺二寸

闊五寸周尺

藉冊錦一片

紅絹裏

聯貫冊葉用紅

綠絳 墊冊錦褥一個

紅絹裏

裏冊紅羅銷金小夾

袱一條 渾金灑粉雲鳳冊盃一個

內用紅紵絲發襯

花銀釘釵一副一兩二錢重嵌金絲鐵鎖鑰一副

覆

盃紅羅銷金大夾袂一條 九暈四鳳冠一頂首飾一

副冠上大花九樹小花九樹寶鈿九個翠雲博鬢描金

珠阜羅額珠眉心珠牌環金冠上金鳳四個牌環脚一

雙翟衣三套

描金雲鳳沉香色木匣一個銅鎖鑰索

紅金青紵絲繡翟衣一件青紵絲繡蔽膝一件玉色線

羅中單一件

紅綠襪

青紗繡翟衣一件青紗繡蔽膝一

件玉色紗中單一件 霞帔三副 青紅線羅銷金大

欽定四庫全書

禮部志稿

二十一

帶一條上有青紵絲副帶一條 五色綿錦綬一副上

有玉環二個青紅羅采結全 白玉鈎碾鳳文佩一副

玉事件二十件 串珠金 金鈎子并圈二箇五色綿錦襯

一副 白玉革帶一副 青紵絲裏鞞描金文翟文 玉事

件一十件金事件五件 青紵絲烏一雙 上有珠六顆

青羅鞞一雙 紅羅銷金夾袂大小五條 包裹翟衣

玉佩玉帶等用

鳳轎一乘錦坐褥一個錦踏褥一個

紅交牀一把 紅穿綠全 紅簾一扇 青羅銷金沿邊綃帶

全
紅羅銷金轎衣一件 漚水頂單全 采結四串抹金銀

香圓寶蓋四副 計八件共花銀一十六兩 紅油絹銷

金雨轎衣一件 漚小頂單全 女轎夫衣袍一十六領

汗袴一十六副銅束帶一十六條花紗帽一十六頂紅

錦布韜鞬一十六雙 儀仗 紅杖二 清道旗二

絳引旛二 戟麾二 戈繡旛二 纓繡旛二 班劍

二 結子絹袋全 儀刀二 結千紅絹袋全 梧杖二 絹

袋全 鏡杖二 絹袋全 立瓜二 絹袋全 卧瓜二 絹

袋全

骨朵二

絹袋全

斧二

響節四

絹袋全

紅

繡傘一把

絹袋全

青方傘二把

絹袋襪全

紅繡團

扇四把

絹袋全

青繡團扇四把

絹袋全

紅紗燈籠

四個

竿全

拂子二

結子全

坐障一

竿全

行障二

竿全

抹金交椅脚踏一副

除木外計花銀一百兩重

搭座踏褥結子全

抹金銀水罐一個

六十兩重

抹

金銀水罐一個

六十兩重

抹金銀唾壺一個

一十六

兩重

抹金銀唾盂一個

一十六兩重

抹金銀香爐

一個 一十六兩重

抹金銀香合一個 一十六兩重

擎執宮人 銷金羅袍一十四領抹金釵花銀帶一十四條翠花紗帽一十四頂阜麕皮靴一十四雙

催妝禮物

北竿四牽 紅綠絹銷金蓋袱四條

酒四十瓶 紅綠羅

銷金蓋瓶袱四十條每條墜角折二銅錢四個

果四

合用花八枝 以上禮物內官一員送至妃家

醮戒

先期一日所司設皇太子幕次于中左門前丹墀內設皇太子受醮戒位于御座南北向設皇太子拜位于丹陛上北向設贊禮二人位于皇太子丹陛上拜位之北東西相向知班二人位于贊禮之南東西相向設酒饌案于醮戒位之東稍北設司爵司饌各二人位于案之南西向執膳內官先備金爵果合以俟是日早鴻臚寺贊引二人具朝服并東宮侍從官先入至文華殿門前候皇太子出行叩頭禮贊引二人及侍從官導從繇奉

天左門入至幕次具袞冕以候鼓三嚴上服通天冠絳
紗袍出鴻臚寺請陞殿上御奉天殿樂作警蹕文武官
盛服行叩頭禮分班列侍如常儀樂止贊引及侍從官
導引皇太子出幕次至東陛下侍從官止贊引導引皇
太子由東階陞至丹陛拜位北向立贊禮贊鞠躬四拜
興平身贊引導引皇太子由奉天殿左門入就醺戒位
北向立司爵斟酒以進導引贊跪皇太子跪贊搢圭贊
受爵司爵者以爵立授皇太子皇太子啐酒訖以爵授

內使內使跪受爵退置于案司饌者以果合跪進皇太子皇太子取少許食訖司饌者興以果合退置于案贊出圭贊恭聽戒命上命之曰往迎爾相承我宗事勗帥以敬皇太子曰臣謹受命贊俯伏興平身贊復位贊引仍導由左門左至丹陛上拜位立定贊禮贊鞠躬四拜興平身贊禮畢樂作警蹕上降座還宮樂止贊引導皇太子由東陛降丹墀東宮內外官皆導從由奉天左門出午門外幕次易服

妃受醮戒

親迎日妃家先于祠堂陳設祭物妃服燕居冠服妃父母率妃詣祖宗前行禮奠酒讀祝禮畢執事者具酒饌于內進妃飲食訖父母坐于正堂女執事引妃詣父母前各四拜父命之曰爾往大內夙夜勤慎孝敬毋違母命之曰爾父有訓爾當敬承妃聽受訖次詣諸尊長行禮畢改服翟衣以俟

親迎

是日早先設皇太子幕次及儀仗奠鴈并所乘輅教坊司大樂及隨侍官舍侍衛官軍俱于午門外妃家先設皇太子幕次于中門之外南向設香案奠鴈案于中堂皇太子受醮戒訖贊引導引至午門外幕次易皮弁服訖贊引跪請陞輅皇太子陞輅執鴈者後隨樂作儀從先導隨侍官舍官軍導從由東長安門至妃家門外贊引跪請皇太子降輅導引至幕次禮官一員先入至正廳立于東西向主婚者具朝服出見立于西東向禮官

曰皇太子奉制行親迎禮引禮二人具服引主婚者迎皇太子于幕次之外內官二員具服引皇太子出幕次主婚者請皇太子入中堂皇太子先行內官具服捧鴈隨入主婚者後行至中堂主婚者進立于堂中之左妃母立于堂中之右東西相向皇太子至中堂女執事二人引妃出房立于妃母之下內官引皇太子至案前內官捧鴈跪進皇太子皇太子以鴈奠于案內官引皇太子稍退近東西向立主婚者詣鴈案前行八拜禮退復

位執事者徹案引禮內官導皇太子先行至中門女轎
夫舉鳳轎至于中門之內內官具妃儀仗于中門之外
女執事引妃出內官跪請皇太子詣轎所啟請揭簾妃
陞轎內官啟請皇太子陞輅前行妃具儀仗從後行由
東長安門進至午門外車駕儀仗侍衛官舍官軍俱止
妃儀仗入左順門內候內官跪請皇太子降輅導引入
幕次候妃至轎止內官跪請皇太子揭簾妃降轎皇太
子先行內執事以帷幕擁護妃後行俱步入左順門內

官跪請皇太子乘輿先行女官跪請皇太子妃陞轎後行至宮門外皇太子降輿候妃至女官跪啓請皇太子妃降轎入幕次候行合巹禮

親迎禮物

活雁一對

合巹

其日內官先于皇太子內殿外設妃幕次設皇太子座于殿東西向設妃座于西東向各設拜位于座之南設

酒案于正中稍南置兩爵兩匱于案上皇太子至宮門外降輿入候于內殿門外之東西向妃降轎女官以帷幕擁護導引入幕次整飾訖導引至內殿門西東向贊引二人導皇太子前陞殿女官二人導妃隨陞贊請就拜位皇太子與妃各就拜位贊皇太子兩拜妃四拜贊請陞座皇太子與妃皆陞座女執事二人舉饌案進于皇太子及妃之前女官司尊者取金爵酌酒以進皇太子與妃各受爵飲訖女官進饌皇太子與妃皆舉饌訖

女官再以金爵進酒皇太子與妃飲訖女官進饌皆舉饌訖女官再以盃盞酌酒合和以進皇太子與妃皆飲訖又進饌皇太子與妃皆舉饌凡三舉酒饌畢執事者徹饌案贊皇太子與妃興就拜位相向贊兩拜如前儀畢皇太子從者餽妃之饌妃從者餽皇太子之饌皇太子從者導皇太子入宮更禮衣妃從者及女官導妃入宮易常服

朝見兩宮

第二日清晨皇太子冕服妃翟衣女官贊引各啓請出宮至某宮門外俟某宮服燕居服陞座贊引引皇太子及妃自左門入皇太子先入妃從之贊禮贊詣某宮前皇太子立于東妃立于西宮人以殿脩盤立于妃之右贊皇太子與妃皆四拜執事二人舉案至某宮前宮人以殿脩盤授妃妃捧盤置于案執事者舉案妃隨案進至某宮前妃復位贊皇太子與妃皆四拜興執事者徹殿脩案于東贊禮畢引皇太子與妃出詣上位宮前俟

上位具常服陞座贊引引皇太子及妃自左門入詣上位前進棗栗盤行禮同前畢詣皇后宮進服脩盤行禮同前畢贊引引皇太子及妃出是日賜皇太子與妃宴
盥饋

第三日清晨妃服翟衣贊引引妃至某宮由左門入俟膳至贊引引妃至前贊四拜尚食以膳授妃妃捧膳置于案復位又贊四拜禮贊引引妃退立于西南俟膳畢引妃出陞轎詣乾清宮門外降轎由左門入俟膳至贊

引引妃詣上位前并皇后前禮俱同

廟見

第四日內官于奉先殿陳設牲醴祝帛贊引二人引皇太子二人引妃至奉先殿詣德祖玄皇帝皇后神御前贊皇太子與妃皆四拜贊跪皇太子跪妃亦跪贊搢圭皇太子搢圭贊進帛執事者跪進于皇太子右贊獻帛皇太子受帛以獻授執事者贊奠帛執事者以帛奠于神御前贊進爵執事官以爵跪進于右贊獻爵皇太子

受爵以獻授執事者贊奠爵執事者以爵奠于神御前
贊俯伏興皇太子俯伏興妃亦興贊復位贊皇太子與
妃皆兩拜平身次詣各神御禮同前贊詣讀祝位皇太
子與妃詣讀祝位贊跪皇太子跪妃亦跪讀祝訖贊俯
伏興平身皇太子俯伏興平身妃亦興贊復位贊皇太
子與妃皆兩拜平身贊執事者捧祝帛各詣燎所贊詣
燎位贊禮畢引禮引皇太子及妃還宮

慶賀

是日早上具皮弁服御華蓋殿執事官行禮奏請陞殿
導駕樂作陳設如常儀文武百官具朝服先行四拜禮
鴻臚寺官詣丹陛上跪致詞曰某官臣某等恭惟皇太
子嘉禮既成益綿宗社隆長之福臣某等不勝欣忭之
至謹當慶賀又四拜禮畢上起易服賜宴羣臣如冬至
正旦之儀其日命婦慶賀皇太后行禮致詞如前但致
詞前稱某夫人妾某氏等末稱妾某氏等禮畢慶皇后
禮同前但改致詞曰皇太子嘉聘禮成益綿景福餘並

同禮畢皇太后賜宴

供用器皿

金器

壺瓶一對

六十兩重

酒注一對

六十兩重

孟子一對

二十兩重

贊禮盤二面

六十兩重

盤盞

二副

二十兩重

託裏胡桃木椀四個

六十四兩重

楞邊胡桃木託四個

五兩重

託裏胡桃木鍾子二對

一十一兩重

撒盞一對

八兩重

葫蘆盤盞一副

十兩重

茶匙一雙

一兩重

匙一雙

五兩重

箸二

雙五兩重

銀器

壺瓶二把

共五十兩重

果合一對

一百六十

兩重

汁瓶二把

共五十兩重

茶瓶一對

五十兩重

湯鼓四個

八十兩重

按酒櫟一十二個

四十二兩

重

果櫟一十二個

三十兩重

茶櫟一十二個

二十

四兩重

親王婚禮

洪武二十六年定

納徵

前一日尚寶司陳設御座于奉天殿內官監禮部設冠服首飾金銀段疋等儀物于文樓下教坊司設中和樂于殿內其日清晨錦衣衛設儀仗于丹陛丹墀之東西教坊司設大樂于丹陛之東西北向及設樂于午門外設護衛將軍文武官執事官如常儀儀禮司設百官侍立位于文武樓南設玉帛案于殿內之東鼓三嚴文武官具朝服至侍立位東西相向鐘聲止儀禮司跪奏請

陸殿皇帝具皮弁服導駕奉引如常儀樂作陞座樂止
鳴鞭訖序班舉玉帛案置殿中引正使副使入就拜位
贊鞠躬樂作贊四拜興平身樂止承制官詣御前跪承
制俯伏興由東門稍東出序班舉玉帛案隨之置丹墀
中道承制官稱有制贊禮贊跪宣制曰今聘某官某女
為某王妃命卿等行納徵禮贊禮贊俯伏興樂作四拜
平身樂止儀禮司奏禮畢駕興樂作鳴鞭樂止引禮引
玉帛案繇奉天門東門及午門東門出置玉圭玄纁于

采輿執事官引文樓下儀物繇午門東門出以次陳列
正副使行至御橋外易服乘馬至妃家妃家前一日設
正副使幕次于大門外道左南向設香案于正堂中設
受玉帛案于香案之南其日禮物至妃家引禮捧玉圭
玄纁先行正副使隨之至幕次執事者陳禮物及冠服
等物于正堂捧玉帛者俟于幕次東西向禮官一員先
入至正堂立于東西向主婚者出見立于西東向禮官
曰奉制命正使某官某副使某官某為某王行納徵禮

引禮引主婚者出迎引禮引正使捧玉圭副使捧玄纁
先行主婚者隨行引禮引至正堂置玉圭玄纁于案正
使立于案之左西南向副使立于案之右東南向贊禮
引主婚者就拜位贊鞠躬四拜興平身贊詣前跪贊捧
圭正使捧玉圭授主婚者主婚者受玉圭以授執事者
執事者跪受興置于案贊捧帛副使捧玄纁授主婚者
主婚者受玄纁以授執事者執事者跪受興置于案贊
主婚者俯伏興平身贊復位贊四拜興平身禮畢正副

使出主婚者至正副使前致詞云請禮從者酒饌畢主
婚者捧帛以勞正副使正副使出主婚者送至門外正
副使詣皇帝前復命妃家回儀從西華門入內官監監
官奏

定親禮物

金五十兩 珍珠一十兩

用紅綠紗銷金袋二個

花

銀四百兩 各色紵絲四十疋

用紅綠羅銷金束子一

百二十個

大紅羅二疋

用紅綠羅銷金束子六個

生紗二疋

用紅綠羅銷金束子六個

裏絹四十疋

綿臘脂一百個金花臘脂二兩

用抹金花銀合一對計

六兩重

鉛粉二十袋計一十兩重

用紅綠羅銷金袋

一個

北羊四牽

用紅綠絹銷金蓋袂四條并牽羊紅

麻索四條

豬二口

鷺二十隻

酒八十瓶

用紅綠

羅銷金小蓋袂八十條每條墜角折二銅錢四個

圓

餅八十箇

用紅紙花貼面

末茶一十袋

用紅綠羅銷

金袋一十個

果六合

白熟米二石

作四合每合上

用染紅米二升

麵四十袋

用紅紙花貼面

媒人紵

絲二疋

用紅綠羅銷金束子六個

裏絹二疋

開合

紵絲一疋

用紅綠羅銷金束子三個

裏絹一疋

以上禮物媒人并內官一員送至妃家媒人就引妃家回奉禮物從西華門入如命官則皇帝前復命外命婦則皇后前復命

納徵禮物

玉穀圭一枝

裏玉圭錦袋二件盛玉圭餞金雲鳳硃

紅木匣一箇內錦褥一片 玄纁紵絲五疋

玄三疋纁

二疋用紅綠羅銷金束子十五箇

珠翠燕居冠一頂

冠盞全

冠上大珠博鬢結子等項全金鳳二個金寶鈿

花二十七箇金簪一對冠上珊瑚鳳冠觜一副 燕居

服四套大紅紵絲一件大紅線羅一件大紅素紗一件

青線羅一件 大帶四條內大紅線羅三條青線羅一

條 玉革帶一副玉事件九件金事件三件 玉花綵

結綬一副

紅綠線羅采結大紅線羅繫帶

采結上玉綬

花一箇綬帶上玉墜珠六顆綬帶上金垂頭花板四片

金葉兒六箇 白玉鈎碾鳳文佩一副玉事件二十件

串珠全

金鈎二箇

紅羅銷金夾袂大小五條

包燕居

服及玉革帶等用

珠面花四副珠花四枝

金脚八錢

重

金脚四珠環一雙

金脚五錢重

梅花環一雙

金脚

五錢重

釵金花釧一雙

二十兩重

金光素釧一雙

二

十兩重

金龍頭連珠燭一雙

一十四兩重

金八寶燭

一雙

八兩重外寶石一十四塊

金四百兩

九成色二

百兩八成色二百兩

花銀一千六百兩 珍珠二十

四兩

用紅綠紗銷金袋二個

寶鈔五千貫 乘馬四

匹

紅籠頭錦韉四副

各色紵絲六十疋

用紅綠羅銷

金束子一百八十個

各色綾六十疋

用紅綠羅銷金

束子一百八十個

各色紗六十疋

用紅綠羅銷金束

子一百八十個

各色羅六十疋

用紅綠羅銷金束子

一百八十個

各色錦六十疋

用紅綠羅銷金束子一

百八十個

大紅羅四疋

用紅綠羅銷金束子一十二

個 生紗四疋 用紅綠羅銷金束子一十二個 各色

絹三百疋 白綿二十斤 臘脂二合二兩重 金胭脂

合一對一十兩重 鉛粉二十袋一十兩重 用紅綠羅

銷金袋二個 北羊三十二隻 用紅綠絹銷金蓋袂三

十二條牽羊紅麻索三十二條 豬一十六口 鷺三

十二隻 酒二百瓶 用紅綠羅銷金蓋袂二百條每條

墜角折二銅錢四個 末茶三十二袋 用紅綠羅銷金

袋三十二個 粟二十合 響糖二合 芝麻纏糖二

合 茶纏糖二合 砂仁糖二合 胡桃纏糖二合

木彈二合 蜜煎二合 棗子二合 乾葡萄二合

胡桃二合 圓餅六百箇 用紅紙花貼面 白麵一百

二十袋 用紅紙花貼面 紅紗罩盞大小一十二箇

媒人紵絲一十二疋 用紅綠羅銷金東子三十六個

開合紵絲八疋 用紅綠羅銷金東子二十四箇

發冊命使

其日清晨內官監錦衣衛尚寶司教坊司文武執事等

官于奉天殿陳設如納徵儀禮司設冊案于殿內之東承制官持節官位于殿內之東西向設正使副使拜位于丹墀正使在東副使在西錦衣衛設蓋冊黃傘一于殿門外禮部陳設采輿于午門外內官陳王妃鳳轎儀仗于采輿之南鼓三嚴引禮引文武官入就侍立位鐘聲止儀禮司跪奏請陞殿皇帝服皮弁服導駕官奏引如常儀樂作陞座樂止捲簾鳴鞭訖引禮引正副使各就拜位贊禮贊鞠躬樂作贊四拜興平身樂止承制

官詣御前跪承制俯伏興繇東門稍東出持節官舉節
舉冊官舉案隨行亦由東門稍東出校尉擎傘遮護冊
行至丹墀御道中持節官立于案東西向傳制官稱有
制贊禮唱跪宣制曰今冊某官某女為某王妃命卿等
持節行禮贊禮贊俯伏興鞠躬四拜興平身樂止持節
官以節授正使引禮引節冊及正副使繇東道至奉天
門東門出至午門外置冊于采輿儀禮司官奏禮畢駕
興樂作百官捲班以次出儀仗鳳轎前行引禮引節及

采輿正副使隨行過御橋易服持節正副使俱上馬至
妃家行冊禮

冊至妃家

是日妃家先設幕次于大門之外南向設香案于正廳
冊使至引禮引正副使至幕次禮官先入見主婚者禮
官曰奉制命正使某官某副使某官某持節行冊禮主
婚者出迎引禮引正使持節副使捧冊入主婚者隨行
至正廳正副使立于香案東南向引禮引主婚者至拜

位贊禮贊鞠躬四拜興平身退立于西南引禮引接冊
內官詣前贊禮贊舉冊副使以冊授內官內官跪受訖
贊禮贊請詣中堂行禮內使二人引捧冊內官入中堂
正副使仍前立候內官出告行禮畢正使副使以節出
主婚者請禮正副使如納徵儀其日妃家陳設香案于
中堂設冊案于香案之南設妃拜位于冊案之南妃服
翟衣訖俟內官捧冊入置于案贊禮女官一員居東一
員居西在妃拜位前相向立宣冊女官展冊女官立于

東引禮女官二員分左右引妃出房至冊案前拜位女
使執事者立于西贊禮女官贊四拜興宣冊女官稱有
制女官贊跪妃跪贊宣冊宣冊女官詣冊案前取冊立
宣于香案東女官宣冊訖以冊入于盥贊受冊宣冊官
捧冊立授妃妃受冊女官贊以冊授執事者妃以冊授
女使女使跪受興置于案女官贊妃興又贊四拜禮畢
內官出告正副使行禮畢執事者徹香案冊案設妃座
引禮請妃陞座衆命婦及應賀者序立于庭北向贊四

拜禮畢妃降座

發冊禮物

金冊一副

兩葉計足色金一百兩重每葉高一尺二寸

濶五寸周尺

籍冊錦一片

紅絹裏

聯貫冊葉用紅

絲絛裏墊冊錦褥一箇

紅絹裏

裏冊紅羅銷金小夾

袱一條

渾金漚粉雲鳳冊盞一箇

內用紅紵絲發襯

花銀釘鉸一副一兩二錢重嵌金綠鐵鎖鑰一副

覆

盞紅羅銷金大夾袱一條

九輦四鳳冠一頂冠上

大花九樹小花九樹寶鈿九箇翠雲博鬢描金珠阜羅
額珠眉心珠牌環金冠上金鳳四箇牌環脚一雙 翟
衣三套 描金雲鳳沉香色木匣一箇銅鎖鑰索扛全

青紵絲繡翟衣一件青紵絲繡蔽膝一件玉色線羅中
單一件 紅綠襪 青線羅繡翟衣一件青線羅繡蔽膝

一件玉色線羅中單一件 紅綠襪 青紗繡翟衣一件

青紗繡蔽膝一件玉色紗中單一件 紅綠襪 青紅線

羅銷金大帶一條上有青紵絲副帶一條 五色線錦

綬一副上有玉環二箇青紅羅采結全 白玉鈎碾鳳

文珮一副玉事件二十件

串珠全

金鈎子并圈二箇五

色線錦襯一副 白玉革帶一副

青紵絲襪鞋描金文

翟文

玉事件一十件金事件五件 青紵絲烏一雙上

有珠六顆

青羅鞞一雙 紅羅銷金夾袂大小五條

包裏翟衣玉佩玉帶等用

鳳轎一乘 錦坐褥一箇

錦踏褥一箇

紅交牀一把

紅穿條全

紅簾一扇

青羅銷金沿邊繡帶全

紅羅銷金轎衣一件

瀝水頂

單全

紅油絹銷金雨轎衣一件

瀝水頂單全

采結

四串抹金銀香圓寶蓋四副

計八件共花銀一十六兩

女轎夫衣袍一十六領汗袴一十六副銅束帶一十

六條花紗帽一十六頂紅綿布韉襪一十六雙儀仗

紅杖二清道旗二絳引旛二戟斨二班劔

二結子絹袋全

儀刀二

結子絹袋全

梧杖二

絹袋

全

鐙杖二

絹袋全

立瓜二

絹袋全

卧瓜二

絹袋

全

骨朶二

絹袋全

嚮節四

絹袋全

紅繡傘一把

絹袋全

青方傘二把

絹袋襖全

紅繡團扇四把

絹

袋全

青繡團扇四把

絹袋全

紅紗燈籠四箇

竿全

拂子二箇

結子全

坐障一竿全

行障二竿全

抹金交椅脚踏一副

除木外計花銀一百兩重搭座踏

蓐結子全

抹金銀水罐一箇

六十兩重

抹金銀水

盆二箇

六十兩重

抹金銀唾壺一箇

一十六兩重

抹金銀唾盂一箇

一十六兩重

抹金銀香爐一箇一

十六兩重

抹金銀香合一箇

一十六兩重

擎執宮

人銷金羅袍一十四領抹金釵花銀帶一十四條翠花
紗帽一十四頂阜麕皮靴一十四雙

催妝禮物

北羊二隻

紅綠絹銷金蓋襖二條

酒二十瓶

紅綠羅

銷金蓋瓶襖二十條每條墜角折二銅錢四箇

果二

合用花四枝

以上禮物內官一員送至妃家

鋪房

妃家于親迎前擇日將房奩牀帳等物至王府鋪房禮

部預先奏知至日妃家備鼓樂迎引從午門東角門入鼓樂至于闕西妃母或親戚入內陳設

醮戒

其日內官監設上位中宮御座于宮中設大樂儀仗于丹陛之東西執膳內官先備酒金爵果合以俟上位服皮弁服中宮燕居服出樂作陞座樂止王服袞冕贊引引王由殿東門入詣上位前贊禮贊鞠躬樂作贊四拜興平身樂止執事者以爵斟酒立于御前之東贊禮贊

王詣前跪贊搢圭贊受爵執事者以爵立授王王受爵
飲訖以爵授執事者執事者跪受以退贊禮贊出圭恭
聽戒命隨旨意致戒辭王聽戒辭訖贊俯伏興平身復
位贊鞠躬樂作贊四拜興平身樂止贊禮引王詣中宮
前禮同贊禮畢引禮引王出釋袞冕具皮弁服行親迎
禮

妃家醮戒

親迎日妃家先于祠堂陳設祭物妃服燕居冠服妃父

母同妃詣祖宗前奠酒讀祝禮畢執事者具酒饌命妃
飲食訖父母坐于正堂女執事引妃詣父母前各四拜
父母隨意致戒辭妃聽受訖次辭諸尊長禮畢改服翟
衣以俟

親迎

其日儀衛司先設王儀仗象輅于承天門外妃家先設
王幕次于中門之外設香案帛案于正堂之中是日王
受命訖引禮引王繇午門東門出典儀具服跪請陞輅

王陞輅儀從前導過御橋樂作至妃家門外引禮跪請
王降輅導引至幕次禮官一員先入至正廳立于東西
向主婚者出見立于西東向禮官曰某王奉制行親迎
禮引禮二人具服引主婚者迎王于幕次之外內官二
員具服引王出幕次主婚者請王入中堂王先行主婚
者後隨內官具服捧禮物入至于中堂主婚者進立于
堂中之左妃母立于堂中之右東西相向王至中堂女
執事二人引妃出房立于妃母之下內官引王至案前

內官捧帛進王王以帛置于案內官引王稍退近東西
向立贊禮引主婚者詣帛案前行八拜禮退復位執事
者徹案引禮內官導王先出女轎夫舉鳳轎至于中門
之內內官具妃儀仗于中門之外女執事引妃出內官
跪啓請王詣轎所啓請揭簾妃陞轎內官啓請王陞輅
前行妃具儀從後行王至承天門外降輅候妃至內官
跪啓請王揭簾妃降轎王先行至內釋皮弁服具袞冕
至奉天殿前候妃入午門陞轎將至奉先殿降轎行廟

見禮

廟見

是日內官于奉先殿陳設牲醴祝帛訖每廟豬一羊一帛二共一筐祝共一贊引二人引王二人引妃至奉先殿詣德祖玄皇帝皇后神御前王在東妃在西贊王與妃皆兩拜贊跪王跪妃亦跪贊搢圭王搢圭贊進帛執事者以帛跪進于王右贊受帛王受帛以授執事者贊奠帛執事者以帛奠神御前贊進爵執事者以爵跪進

于王右贊受爵王受爵以授執事者贊獻爵執事者以爵奠于玄皇帝皇后前贊再進爵執事者以爵進贊受爵王受爵以授執事者贊獻爵執事者以爵奠于玄皇帝皇后前贊俯伏興王俯伏興妃亦興贊王復位贊王與妃皆兩拜平身次詣懿祖皇帝皇后熙祖皇帝皇后仁祖皇帝皇后儀同上贊詣讀祝位王詣讀祝位贊跪王跪妃亦跪讀祝訖贊俯伏興平身王俯伏興平身妃亦興贊王復位贊王與妃皆兩拜平身贊執事者捧祝

帛各詣燎所贊詣燎位王與妃詣燎位贊禮畢引禮引王及妃還宮行合巹禮

合巹

其日內官先于王宮設王座于東西向設妃座于西東向各設拜位于座之南設酒案于正中稍南置兩爵兩巹于案上執事者啟請王具皮弁服訖贊引導王與妃至宮門贊引二人導王前陛二人導妃後陛贊請就拜位王與妃各就拜位贊兩拜王與妃皆兩拜訖贊請陛

座王與妃皆陞座執事者二人舉饌案進于王及妃之前女官司尊者取金爵酌酒以進王與妃各受爵飲訖女官進饌王與妃皆舉饌訖女官再以金爵進酒王與妃皆飲訖女官進饌王與妃皆舉饌訖女官再以盃盞酌酒合和以進王與妃皆飲訖又進饌王與妃皆舉饌凡三舉酒饌畢執事者徹饌案贊王與妃興就拜位相向贊兩拜禮畢王從者餞妃之饌妃從者餞王之饌

朝見

第二日清晨王冕服妃翟衣贊引各啓請出宮至宮門外以俟皇帝服皮弁服皇后服燕居服陞座贊引引王及妃自東門入王先入妃從之贊禮贊詣皇帝前王立于東妃立于西宮人以棗栗盤立于妃之右贊王與妃皆四拜執事者二人舉案至皇帝前正中宮人以棗栗盤授妃妃捧棗栗盤置于案上執事者舉案妃隨捧進至皇帝前妃復位贊禮贊王與妃皆四拜興贊引引王及妃詣皇后前宮人以服脩盤立于妃左贊王與妃皆

四拜興執事者二人舉案至皇后前正中宮人以服脩盤授妃妃捧服脩盤置于案上執事者舉案妃隨案進至皇后前妃復位贊四拜王與妃皆四拜興執事者以皇帝前棗栗案徹于東皇后前服脩案徹于西贊禮畢贊引引王及妃出是日賜王與妃宴

鹽饋

第三日清晨妃服翟衣贊引引妃出陞輿將至宮內門降輿由東門入俟膳至贊引引妃詣皇帝前贊四拜尚

食以膳授妃妃捧膳置于案復位又贊四拜贊引引妃詣皇后前禮同贊引引妃退立于西南俟膳畢贊引引妃出

王與妃見東宮

是日王與妃朝見訖王具皮弁服妃服翟衣詣東宮前行四拜禮東宮皮弁服坐受東宮妃翟衣立受兩拜答兩拜

回門

其日內官先將禮物至妃家王與妃儀狀導從如常儀
王先行至妃家妃父出迎王先入妃父從之至正廳王
立東西向妃父立于西東向王于妃父母前行四拜禮
妃父母立受兩拜答兩拜禮畢王中坐其餘親屬見王
行四拜禮王皆坐受妃至入中堂于父母前行四拜禮
父母正面坐受其餘親屬見妃各序家常禮

回門禮物

花銀三百兩 雜色紵絲三十二疋

紅綠羅銷金束子

九十六箇

北羊四隻

紅綠絹銷金蓋襖四條紅麻索

四條

酒四十瓶

紅線羅銷金蓋襖四條

果四合

供用器皿

金器

壺瓶一對

六十兩重

酒注一對

六十兩重

孟子一對

二十兩重

贊禮盤二面

六十兩重

盤盞

二副

二十兩重

託裏胡桃木碗四箇

六十四兩重

楞邊胡桃木託子四箇

五兩重

託裏胡桃木鍾子一

對

一十兩重

撒盞一對

八兩重

葫蘆盤盞一副

十兩重

茶匙一雙

一兩重

匙一雙

五兩重

箸二

雙

五兩重

銀器 果合一對

一百六十兩重

汁瓶二對

一百兩

重

茶瓶一對

五十兩重

湯鼓四箇

八十兩重

按

酒櫟一十二箇

四十二兩重

果櫟一十二箇

三十兩

重

菜櫟一十二箇

二十四兩重

漆器 朱紅戩金大托盤二面

紅紗罩二

朱紅戩金

饅頭肉盤四箇

紅紗罩四

小車子一乘

貼金釘鉸全

并頂上抹金銅火珠一箇四角銅鳳四箇

紅紵絲車

衣一副

頂裙瀝水頂裏紫羅帶全

錦坐褥一箇

黃綿

布骨子黃絹裏綿花裝

紅平羅車衣一副

頂裙瀝水

頂裏絹紫羅帶全

錦靠褥二箇

綠紵絲邊黃綿布骨

子黃絹裏綿花裝

紅素油絹雨衣一副

紅油儀仗

木架二座

二十七年更定

凡親王納妃預擇親迎日期別擇日

行定親納徵發冊催粧等禮其禮物仍依節次名數同

日給送

納徵發冊催妝

前期一日內官監禮部儀制司設冠服首飾金銀緞疋等儀物于文楼下設玉帛案冊案并節于奉天殿內至日早禮部設采輿教坊司設樂于午門外內官設王妃鳳輦儀仗于采輿之南皇帝具皮弁服陞殿百官班正副使先行四拜禮執事官舉節及玉帛案冊案至丹墀置案于中道持節俟立傳制官由殿東門出稱有制贊

跪傳制官宣制曰今聘某官某女為某王妃命卿等持節行納徵發冊等禮正副使又四拜禮畢執事官以節授正使引禮引節并玉帛案冊案冠服等物至午門外置冊及玉帛于采輿冠服等物以次陳列而行

妃家受聘

前期一日妃家設香案節案于正堂中玉帛案冊案相向至日禮物至妃家主婚者出迎引禮引正使持節副使捧冊執事者捧玉帛至正堂各置于案正副使立于

案左右冠服等物以次陳列禮官一員立于左主婚者立于右禮官曰奉制命正使某官某副使某官某為某王行納徵發冊等禮引禮引主婚者詣香案前行四拜禮執事官捧玉圭玄纁主婚者先受玉帛次受玄纁各授執事再行四拜禮畢內官先以冠服進于妃具服訖內官詣冊案跪捧冊入中堂置于案引禮女官引妃出至冊案前行四拜禮跪女官宣冊訖妃受冊以授執事者再行四拜禮畢執事者設妃座引禮請妃陞座妃家

應賀者行四拜禮正副使俟內官出告行禮畢持節出
主婚者送至門外正副使回朝復命妃家回奉禮物從
午門入內官監官奏聞其復醮戒親迎謁見合巹朝見
回門禮俱同二十六年

納徵

弘治中續定 上先具袞冕詣奉先殿用樂祭告禮畢
然後易皮弁服傳制

王受醮戒

是日內執事設太皇太后皇太后御座于宮中設大樂儀仗于丹陛之東西執膳內官先備酒金爵果合以候太皇太后具燕居服樂作陛座樂止王服袞冕贊引引王繇東門入詣太皇太后前贊鞠躬樂作贊四拜興平身樂止執事者以爵斟酒立于東贊禮贊王詣前跪贊搢圭贊受爵執事者以爵立授王王受爵飲訖以爵授執事者執事者跪受以退贊出圭恭聽戒命曰往迎爾相用成厥家勉率以敬為國之光王聽戒辭訖贊俯伏

興平身贊復位贊鞠躬樂作贊四拜興平身樂止贊禮
畢贊禮引王詣皇太后宮門外繇東門入詣皇太后前
贊鞠躬樂作贊四拜興平身樂止執事者以爵斟酒立
于東贊禮贊王詣前跪贊搢圭贊受爵執事者以爵立
授王王受爵飲訖以爵授執事者執事者跪受以退贊
禮贊出圭恭聽戒命曰往迎爾相承厥家事勉率以敬
無忝戒命王聽訖贊俯伏興平身贊復位贊鞠躬樂作
贊四拜興平身樂止贊禮畢贊禮引王詣上位宮門外

候上具常服皇后具燕居服陞座贊禮引王詣上位前行五拜三叩頭禮畢引王出釋袞冕具皮弁服行親迎

禮

妃受醮戒
禮同前

朝見

第二日清晨王冕服妃翟衣贊引各啓請出宮至皇城內宮門外以候太皇太后服燕居服陞座贊引引王及妃自東門入王先入妃從之贊禮贊詣太皇太后前王立于東妃立于西宮人以服修盤立于妃之左贊王與妃

皆四拜執事二人舉案至太皇太后前宮人以服脩盤授妃妃捧服脩盤置于案執事者舉案妃隨案進至大皇太后前妃復位贊王與妃皆四拜興執事者徹服脩盤案于東贊禮畢引王與妃出詣皇太后宮前候皇太后服燕居服陞座引禮引王及妃自東門入詣皇太后前進服脩盤行禮同前畢出詣上位宮前俟上具常服陞座贊引引王及妃自東門入詣上位前進棗栗盤皇后前進服脩盤行禮同前畢贊引引王及妃出是日賜王

與妃宴

王與妃見東
宮禮同前

盥饋

第三日清晨妃服翟衣贊引引妃出陞輿將至宮內門
降輿由東門入候膳至贊引引妃詣太皇太皇前贊四
拜尚食以膳授妃妃捧膳置于案復位又贊四拜贊引
引妃退立于西南候膳畢引妃出詣皇太后前行禮同
復請上位前皇后前行禮同

公主婚禮

選擇駙馬教習駙馬附

洪武二十六年定

謁廟

受冊次日引禮引公主謁奉先殿

用香燭

公主受醮戒

其日早公主具禮服辭奉先殿申時內官陳設儀仗于正宮內丹陛之東西大樂設于丹墀執事女官備金爵酒壺果盒以候內贊女官二員列于殿之東西皇帝常服皇后燕居服陞座公主具禮服引禮女官引詣皇帝

前贊拜樂作四拜興樂止贊跪贊受爵女官以爵斟酒立授公主公主受酒飲訖以虛爵授執事者執事者跪受退復位贊恭聽戒命

隨意訓戒

公主聽受訖贊興贊復位

贊拜樂作四拜興樂止引禮女官又引詣皇后前贊拜樂作四拜興樂止贊跪贊受爵執事女官斟酒立授公主公主受酒飲訖以虛爵授執事者執事者跪受退復位贊恭聽戒命

隨意訓戒

公主聽受訖贊興贊復位贊拜樂

止四拜興樂止禮畢公主易燕居冠服命婦送至宮門

引禮引公主繇宮門東門出過宮門西上陞輦至右門
內公主降輦駙馬揭簾公主陞轎內使備儀仗鼓樂前
導合女樂三十六人接引王府公侯百官命婦送至府
各回家

駙馬受醮戒

其日早駙馬父與駙馬具家用祭服告祠堂畢至午後
駙馬父坐于正堂駙馬具見尊長服引禮引駙馬至拜
位贊鞠躬兩拜興平身贊跪贊搢笏贊受爵執事者斟

酒授駙馬駙馬受酒飲訖以爵授執事者贊聽訓戒

駙馬

父隨意致戒辭

駙馬聽訖贊出笏俯伏興贊復位贊鞠躬兩拜

興平身禮畢駙馬使服上馬行親迎禮

若駙馬父母俱存則父母同坐

于正堂行禮如前儀

親迎

其日駙馬受醮戒訖具儀從鼓樂前導至于門西下馬至朝房具朝服候申時序班二人具服引駙馬蹀午門西角門入至右紅門內官二員具服接引駙馬至內使

監前候報公主醮戒將畢引駙馬至右門西東向立公主至駙馬揭簾公主陞轎駙馬先繇午門西角出至上馬處上馬先至府候公主至揭簾公主降轎同謁祠堂

謁祠堂

執事者先于祠堂設祭物畢引禮女使引駙馬及公主至祠堂拜位駙馬立于東公主立于西贊禮贊鞠躬拜駙馬公主皆兩拜引禮引駙馬詣高祖考妣神位前公主仍立于拜位贊跪駙馬跪公主亦跪贊搢笏駙馬搢

笏贊進爵執事者以爵跪進于駙馬右贊受爵駙馬受
爵以授執事者贊獻爵執事者以爵奠于高祖考神位
前贊再進爵執事者以爵進贊受爵駙馬受爵以授執
事者贊獻爵執事者以爵奠于高祖妣神位前贊出笏
俯伏興公主亦興引禮又引駙馬詣曾祖考妣祖考妣
各神位前如前儀訖贊詣讀祝位駙馬至讀祝位贊跪
駙馬跪公主亦跪讀祝訖俯伏興公主亦興贊復拜位
贊拜駙馬公主俱兩拜禮畢導還府行合巹禮

合巹

其日女使陳設駙馬座于室東西向公主座于室西東
向各設拜位于座之南設酒案于室中稍南置南盞兩
盃

即葫蘆盞

于案上饌案二于室中贊引二人導駙馬

二人導公主就拜位贊兩拜駙馬公主相向皆兩拜詣
就位駙馬公主各就位執事者奉饌案置于駙馬公主
前執事者二人以二盞斟酒以進駙馬公主皆飲酒執
事者進饌駙馬公主皆舉箸執事者再斟酒駙馬公主

皆飲酒執事者再進饌駙馬公主皆舉箸執事者以兩
盃盞斟酒令和以進駙馬公主皆飲訖執事者又進饌
駙馬公主皆舉箸執事者徹饌案贊駙馬公主興就拜
位駙馬公主相向皆兩拜禮畢

見舅姑

公主見舅姑舅姑坐于東西向公主立于西東向行四
拜禮舅姑答兩拜

賜駙馬冠帶衣服

紗帽一金帶一後以玉帶紵絲羅衣各一襲斜皮靴一
雙鞍馬二

選擇駙馬

累朝定例凡遇公主長成當擇婚配聖旨下禮部榜諭
在京官員軍民人等有子弟年若干歲

或十五十六或

十四臨時定

容貌齊整行止端莊父母有家教者許于

部報名赴內府選擇本部先將報到子弟揀選請旨命
司禮監于諸王館會選如初選不中或再行五城訪報

或差司官于順天等八府或行山東河南會同巡撫御史選擇到日赴館會選如初選中三人送春曹作養仍題請吉日赴御前欽定一人為駙馬陪選二人送本處儒學充廩挨貢其與選不中者先年或准充附萬歷八年俱不准十三年准分別地方遠近行順天府給賞

教習駙馬

宣德三年詔駙馬不務詩書通古今曉忠孝仁義之道必至怠惰驕縱何以保富貴須使之親近儒生先朝駙

馬家有學錄可擇端重儒者一人命之教習

正統以後凡駙馬初受者俱令赴監習禮讀書祭酒一依學規教之不率者奏聞

成化十一年令駙馬年二十五以下者送監讀書

弘治六年奏准駙馬將兵家諸書及五倫等書每季送祭酒司業處每日兼授二本各定起止令在家誦讀季終赴監驗試如果讀熟而大義或未通曉即與講解又復授書還家誦讀季終考驗如初必至三十歲方免拘

東十五年奏准駙馬家教書訓導按月備將功課送
監考校九年到部行查違者究治

嘉靖六年令吏部會同禮部查照先朝勲戚之家訓導
教書事例于國子監博士助教等官或見在部及附近
教官內推選行止端莊年力英銳文學優長義理精明
者一員在駙馬府教讀經書習字使知忠孝仁義之訓
及通曉禮樂名物古今事類庶幾德器有成仍聽禮部
堂上官提調稽考教書官三年六年考滿若教有成效

不拘年分奏薦擢用自後遇選駙馬本部移咨吏部推
陞禮部主事一員專在駙馬府教習

品官納婦

洪武三年定凡品官婚娶或為子聘婦先遣媒氏通
書次遣使及媒氏行六禮婦至壻家主人饗宴送者明
日謁見祖禰訖使見舅姑行盥饋之禮舅姑饗婦如家
人之儀

納采

前一日主婚者設賓次于大門外賓席于廳事至日設
鴈及禮物于廳及庭媒氏省視訖執事者舉禮物進賓
及媒氏從其後質明主婚者具祝版告廟以行賓至女
第媒氏入告贊者延賓入次執事者各陳禮物于大門
內女氏主婚者公服出迎于大門外贊者引賓出次主
婚者揖賓入賓及媒氏陞自東階主婚者陞自西階至
廳賓立于左主婚者立于右媒氏立于賓之南執事者
各陳其物于廳及庭賓及主婚者皆再拜賓請主人曰

某官以伉儷之重施于某某率循禮典謹使某納采主婚者曰某之子弗閑姆訓既辱采擇敢不拜嘉主婚者揖賓就西向坐主婚者東向坐執事者徹禮物訖賓復入陳鴈及禮物于廳賓詣主婚者曰某官慎重婚禮將加卜筮請問名主婚者進曰某第幾女妻某氏出或以紅羅或以銷金紙書女第行年歲賓辭將降出主婚者曰請禮從者賓復就坐遂行飲食之禮畢賓降自東階出主婚者送至大門外

納吉

禮如納采儀賓致詞曰某官承嘉命稽諸卜筮龜筮協從使某告吉主婚者曰某未教之如既以吉告其何敢辭

納徵

禮如納吉儀加玄纁束帛函書賓致辭曰某官以伉儷之重加惠某官率循典禮有不腆之幣敢請納徵主婚者曰某官貺某以重禮某敢不拜受辭畢賓即函書授

主婚者主婚者受書以授執事者主婚者之從者亦以
函書進授主婚者主婚者受以授賓賓受書以授左右
訖主婚者揖就席主婚者之執事者各徹禮物請期亦
與納吉同

親迎

前一日主婚者設次于大門外其日壻父公服告于禰
廟質明壻具公服親迎執事者設壻父位于廳之正中
壻父即座贊者引壻陞自西階至父座前北面再拜進

立父位前父命之曰躬迎嘉偶釐爾內治壻進曰敢不奉命退復位再拜媒氏導壻之女家其日女氏主婚者公服告廟訖宴會親戚醴女如家人禮壻至門外下馬媒氏入告贊者引壻就次女從者請女盛服就寢門內南坐贊者引壻出次主婚者出迎壻于大門之東西面揖壻入主婚者入門而右壻入門而左執鴈者從壻後至寢戶前北面立主婚者立于寢戶之東西向執鴈者陳鴈于庭壻再拜壻出就次主婚者不降送壻既出女

父母就正廳南向坐保姆引女就父母座前北面四拜
父命之曰往之女家以順為正無忘肅恭母命之曰必
恭必戒毋違舅姑之命庶母申之曰爾悅聽于訓言毋
作父母羞保姆及侍女導從女出門陞車儀衛導前應
送者乘車從後壻先還以俟

同牢

女將至壻家執事者設座于寢室內壻東婦西設壻洗
一于室之東南婦洗一于西北酒案于室之南楹正中

設四爵兩盃于酒尊之北食案二于酒案之北初昏婦車至門保姆請下車贊者引壻出迎于大門內壻婦同入及寢門壻先陞階保姆等導婦後陞入室壻盥于南洗婦從者執巾進水以沃之婦盥于北洗壻從者執巾進水以沃之盥畢從者請壻婦各就座執事者各舉食案于壻婦之前司尊者注酒侍女以酒置于案上壻婦飲訖徹盞司饌者進饌侍女供饌于案壻婦饌訖徹饌再飲再饌如初侍女以盃注酒進于壻婦前各飲畢贊

者請皆興立于座南東西相向贊拜婿婦皆再拜侍從引婿婦入室易服婿從者餽婦之餘婦從者餽婿之餘

廟見

婦至之明日見宗廟設主婚者拜位于東階下婿拜位于其後主婦拜位于西階下婦拜位于其後諸親拜位男女各于主婚者及主婦後其日婦夙興沐浴盛服主婚者及主婦皆盛服各就位再拜贊者引婦進詣庭中北面立主婚者陞自西階詣神位前跪三上香三祭酒

讀祝興主婚者立于神位前西婦四拜退復位主婚者降自東階就拜位主婚者以下皆再拜禮畢

見舅姑

婦既謁廟見舅姑執事者先設舅姑位于堂上舅在東姑在西婦沐浴盛服立于堂下俟舅姑即座贊者引婦就拜位四拜保姆引自西階至舅前侍女奉棗栗授于婦婦受之置位前案上降階復四拜訖詣姑前奉服脩如舅前儀執事者各徹訖婦退降自西階至庭下行四

拜禮畢婦退舅姑醴婦如家人禮

盥饋

婦見舅姑之明日行盥饋禮其日婦家備盛饌至婿家婦從者設舅姑位于堂上食案于堂中婦夙興沐浴盛服立于庭下舅姑即座婦四拜保姆引婦陞自西階至舅位之南婦從者舉食案于舅前執事者以饌授婦婦奉饌置于舅前執事者加匕箸進饌于姑亦如之食訖婦從者徹饌婦降階就拜位四拜禮畢舅姑醴婦如初

見禮

舅饗丈夫送者

其日質明主婚者命執事者設賓席于正廳東西相向
其席位從其賓之數設酒案于廳之南楹設食案于酒
案之北賓至掌次者引賓先就次主婚者出迎于大門
之外引禮者引賓出次主婚者揖賓入賓陞東階主婚
者陞西階至廳分東西相向立贊禮唱鞠躬再拜賓主
皆再拜平身主婚者揖賓各就座執事者舉食案進供

于賓客主婚者之前進酒進饌如常儀會畢賓主俱興
賓立于東階上西向主婚者立于西階上東向執事者
奉幣以授主婚者主婚者以授賓賓受以授從者降自
東階從者奉幣以從賓出主婚者送于大門外

姑饗婦人送者

其日主婚者之執事者設女賓次于中門之內設女賓
席于後堂東西相向設女賓親黨位于女賓之南西向
設主婦親黨位于主婦之南東向設酒案于堂之南楹

設食案于酒案之北女賓至掌次者引就次主婦出迎于次外女贊引女賓出次主婦接女賓同入女賓陞東階主婦陞西階至廳分東西相向立女贊唱再拜女賓及主婦皆再拜主婦請女賓皆就位坐侍女舉食案進供于女賓主婦之前進酒進饌如常儀會畢女賓及主婦皆興執事者奉幣以授主婦主婦受幣以授女賓女賓受幣降自西階以授從者從者奉幣以從女賓出主婦送于門外

庶人納婦

洪武元年令凡民間嫁娶並依朱文公家禮行又令男
女婚姻各有其時或有指腹割衫襟為親者並行禁止
三年定凡男年十六女年十四以上並聽婚娶先遣
媒氏通言女氏許之次命媒氏納采納幣至期婿盛服
親迎主婚者禮賓明日婦見祖禰畢次見舅姑婿往見
婦之父母

納采

是日夙興主婚者告于祠堂云某之子某年已長成未
有伉儷已議娶某郡某之女今日納采不勝感愴

若宗

子自婚則自告

媒氏奉書及禮物往女家至大門外主

婚者出迎媒氏媒氏入門而右主婚者入門而左陞堂
東西相向立執事陳禮物于堂上及庭中媒氏進詣主
婚者曰吾子有惠貺室于某某親某有先人之禮使某
請納采主婚者對曰某之子蠢愚又弗能教吾子命之
某不敢辭從者以書進授媒氏媒氏奉書以授主婚者

主婚者受書以授左右訖延媒氏就次執事者各徹禮物主婚者遂奉書告于祠堂訖出迎媒氏陞堂從者以復書進授主婚者主婚者以授媒氏媒氏受書以授執事訖請退主人請媒氏以酒饌請從者于別室皆酌以幣使者復命婿家婿家復告祠堂

納幣請期

古有問名納吉朱子家禮止用納采

納幣以從簡便

其日媒氏主婚者備書及禮物于庭媒氏省視訖遂奉

書及禮物至女家主婚者出迎媒氏入門而右主婚者入門而左陞堂東西相向立從者陳禮物于堂及庭中媒氏進詣主婚者前曰吾子既修好于某某使某來成禮主婚者曰備禮有加敢不重拜從者以函書授媒氏媒氏以授主婚者主婚者受書以授左右訖左右以復書進授主婚者主婚者以授媒氏媒氏受書復致命曰某使某請吉日主婚者曰某固聽命媒氏曰請以某甲子主婚者曰敢不承命媒氏請退主婚者留媒氏宴饗

如納采之儀

親迎

有故聽以媒氏往迎

前期一日女氏使人張陳其婿之寢室

俗謂之鋪房其

日質明婿父盛服以祝告廟訖父坐于正廳中間南向

子盛服

品官子孫假九品服餘卑衫折上巾

立于父位

之西少南東向贊禮唱鞠躬拜興拜興平身婿鞠躬拜興拜興平身執事者以盞注酒授婿婿祭酒少許訖啐酒以盞授從者訖興平身進立于父位前父命之曰釐

爾內治往求爾匹婿進曰敢不奉命贊禮唱鞠躬拜興
拜興平身婿鞠躬拜興拜興平身降出乘馬以二燭前
導至女家司賓延入次是日女父母請親戚宴女如家
人之儀婿至主婚者以祝告于祠堂曰某之第幾女將
以今日歸于某不勝感愴告祝訖出迎婿于中門之外
揖婿入主婚者陞東階西向婿陞西階進當寢戶之前
北面執鴈者陳鴈于階庭無鴈以他物代婿曰某受命
于父以茲嘉禮恭聽戒命主婚者曰某固願從命贊禮

唱鞠躬再拜平身婿鞠躬再拜平身贊禮引婿降階出
至次以俟主婚者不降送婿既出就次女父母盛服南
向坐侍女導從女至堂上詣父母前北面立贊者唱四
拜女四拜父戒之曰往之爾家毋忘肅恭母戒之曰夙
夜以思無有違命諸母申之曰無違爾父母之訓贊者
又贊四拜女四拜興訖侍女導從出門陞輿二燭導行
婿先乘馬還俟于門外婦至門外贊者請降輿婦降輿
入門北面立婿出至中門外南面揖婦同入室婦從者

布婿席于室東婿從者布婦席于室西贊者引壻婦至
席所東西相向贊禮唱拜興拜興壻婦皆再拜壻揖婦
就坐婦從者舉食案置于壻前壻從者舉食案置于婦
前婦從者斟酒進供于壻壻受盞飲酒壻從者斟酒進
供于婦婦受盞飲酒畢從者以饌進壻婦皆饌再飲再
饌畢婦從者以盃斟酒進授壻壻受盃壻從者以盃斟
酒進授婦婦受盃同飲畢壻婦皆興入寢室壻脫服婦
從者受之婦脫服壻從者受之壻從者餞婦之餘婦從

者餞壻之餘主婚者禮男送者于外廳主婦禮女送者于中堂各如儀

見舅姑

婦至之明日謁見舅姑其日夙興盛服立于堂下舅姑坐于堂上舅位在東姑位在西置桌子于舅姑之前家人男女少于舅姑者立于西序侍女引婦立于東階下贊禮唱四拜婦四拜侍女引婦陞東階至舅位前侍女以贊幣進授于婦婦受贊幣奠于棹子上舅撫之侍女

卷二十
引婦降階北面立贊禮唱四拜婦四拜侍女引婦就西
階下立贊禮唱四拜婦四拜侍女引婦陞西階至姑位
前侍女以贊幣進授于婦婦受贊幣進奠于棹子上姑
撫之侍女引婦降階北面立贊禮唱四拜婦四拜贊禮
唱禮畢舅姑醴婦如家人之儀

見祖禰

古者三月而廟見朱子家禮以其太遠

改用三日

婦至之明日見于祖禰

無廟者設神位于廳事中設主

婚者拜位于東階下北面壻拜位于後設主婦拜位于西階下婦拜位于其後親屬拜位各以序分立于主婚者主婦之後其日婦夙興沐浴盛服主婚者及主婦皆盛服贊禮引主婚者就東階下位次引主婦就西階下位次引諸親及壻婦各就位立定贊禮唱再拜平身主婚者以下皆再拜平身贊禮引婦進詣庭中北面立引禮引主婚者陞自東階詣神位前引禮唱跪主婚者跪引禮唱上香上香三上香司香者奉香進于主婚者左

主婚者三上香訖引禮唱祭酒祭酒三祭酒司尊者以
酒進于主婚者之左主婚者祭酒畢引禮唱讀祝讀訖
引禮唱俯伏興平身主婚者俯伏興平身引禮引主婚
者立于神位之西贊禮唱四拜婦四拜訖退復位引禮
引主婚者降自東階就拜位贊禮唱鞠躬再拜平身主
婚者以下皆鞠躬再拜平身贊禮唱禮畢主婚者以下
皆退

壻見婦之父

婦至之明日壻盛服往見婦之父母至大門外立俟贊禮者先入告婦父出迎于大門外揖壻入從者執幣從其後婦父陞自西階壻陞自東階至廳東西相向婦父在西壻在東贊禮唱鞠躬四拜平身壻四拜興平身婦父扶壻興從者以幣進授壻壻受幣進于婦父婦父受幣以授左右贊禮引壻入至後堂門外少俟從者執幣以從婦母盛服出後堂南向立贊禮引壻入堂前楹北向立贊禮唱鞠躬四拜平身壻鞠躬四拜興平身婦母


答拜訖從者以幣授壻壻受幣進授婦母之左右訖贊禮引壻出次見婦黨諸親皆如賓客相見之禮婦家設酒饌禮壻各隨貧富之儀

饗送者

其禮如品官饗送者之儀

洪武五年詔古之婚禮結兩姓之好以重人倫近代以來專論聘財習染奢侈宜令中書省集議定制頒行遵守務在崇尚節儉以厚風俗違者論罪如律

嘉靖八年題准士庶婚禮如問名納吉不行已久止做
家禮納采納幣親迎等禮行之所有儀物二家俱毋過
求



禮部志稿卷二十